

Splendor paternæ gloriæ

Brevier-Himno

Ordinara tempo > 1-a kaj 3-a semajno > lundo > matena laŭdo

*Splendor paternæ gloriæ,
de luce lucem proferens,
lux lucis et fons luminis,
diem dies illuminans.*

*Verusque sol, illabere
micans nitore perpeti,
iubarque Sancti Spiritus
infunde nostris sensibus.*

*Votis vocemus et Patrem,
Patrem perennis gloriæ,
Patrem potentis gratiæ,
culpam releget lubricam.*

*Informet actus strenuos,
dentem retundat invidi,
casus secundet asperos,
donet gerendi gratiam.*

*Mentem gubernet et regat
casto, fideli corpore;
fides calore ferveat,
fraudis venena nesciat.*

*Christusque nobis sit cibus,
potusque noster sit fides;
læti bibamus sobriam
ebrietatem Spiritus.*

*Lætus dies hic transeat;
pudor sit ut diluculum,
fides velut meridies,
crepusculum mens nesciat.*

*Aurora cursus provehit:
Aurora totus prodeat,
in Patre totus Filius
et totus in Verbo Pater.*

Amen.

Vi patran gloron file rebrilas,
lumo el lumo kiel radi'.
Lumon fontan' de lumo similas:
Tag' prilumanta tagon, Vi.

Ho vera Sun', la teron vizitu;
daŭre ardegu tiu donac'.
Funde en koro fajron ekscitu
Sankta Spirit' kun Sia grac'.

Ni preĝe ankaŭ Patron adoru;
sankta la Patro, glora sen fin'.
Ĉiujn Li tre potence favoru:
el kulp-danĝer' Li savu nin.

Al viglaj faroj forton Li donu;
denton elrompu Li de l' serpent',
en amareco dolĉon proponu;
fruktu labor' per bona vent'.

Li menson nian reĝe regadu;
korpon Li faru pura en fid'.
Kredon fervor' flamanta flegadu;
ĝin ne venenu falsa gvid'.

Manĝaĵo nia, Kristo, Vi estu;
puran trinkaĵon ĉerpu la kred'.
Trinku kaj festu! Inter ni restu
sobra ebri' de l' Paraklet'.

La nunan tagon vivu ni ĝoje;
ĉastu la koroj kiel aŭror'.
Hele la fid' tagmezu survoje;
restu krepusk' el mensoj for.

Eksaltu, Sun', leviĝu al brilo;
grimpu la lum' ĝis plena komfort'.
Loĝas en Patro tute la Filo,
Patro kaŝiĝas en la Vort'.

Amen.

latina T: Ambrozio el Milano

E: Jacques Tuinder 1979 laŭ la melodio
Slaat op de trommele, 2001 en ADORU 009